



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

Luxemburgi, 1739

XXXV. Confraternitates Nominis Dei in Ecclesiis Fratrum Prædic.

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

ribus personis quomodolibet concessis, necnon pia mem. Pii Papae IV., etiam praedecessoris nostri gratias, Camera praedictam concernentes in eadem Camera omnino registrari debere disponen., ac nostra, & Cancellariae Apostolicae regula de jure quaesito non tollendo, aliisque Constitutionibus, & Ordinationibus Apostolicis, etiam Consistorialibus desuper in genere, vel in specie editis, etiam motu, scientia, & potestatis plenitudine similibus, & quibuscumque, etiam quantumvis efficacissimis clausulis, & Decretis, etiam irritantibus roboratis, ac alias in contrarium praedictorum quomodolibet concessis, confirmatis, ac superius innovatis. Quibus omnibus, etiamsi pro illorum sufficienti derogatione de illis, eorumque totis tenoribus, specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quavis alia exquisita forma ad hoc servanda foret, tenores hujusmodi, ac si de verbo ad verbum nil penitus omisso, & forma in illis tradita observata inserti forent, praesentibus pro plene, & sufficienter expressis, ac de verbo ad verbum inferis habentes, illis alias in suo robore permanens, hac vice dumtaxat motu, & potestatis plenitudine similibus derogamus, ac derogatum esse volumus, & decernimus, ceterisque contrariis quibuscumque.

§. 9. Et quod singulorum officiorum praedictorum concessionum, & titulorum tenores, etiam veriores, ac earum dat. habeantur pro expressis, seu in toto, vel parte exprimi possint in literis, & de perpetuis, suppressione, abolitione, extinctione, restitutione, applicatione, incorporatione, concessione, voluntate, & singulis Decretis, derogatione, aliisque praemissis, quae hic pro sufficienter, & ad partem repetitis habeantur, ut supra in literis, & cum clausula ad perpetuam rei memoriam latissime extenden., & quod praemissorum omnium, & singulorum etiam denominat., qualitat., nuncupat., innovat., aliorumque necessarium major., & verior specificatio, & expressio fieri possit in literis. Volumus autem, quod sola Motus proprii nostri hujusmodi Signatura sufficiat, & ubique fidem faciat in Judicio, & extra illud quacumque clausula contraria, & ceteris quibuscumque, ut supra non obstantibus, seu si videbitur per Breve nostrum, seu Officium de Curia expediri possint.

§. 10. Per praesentes vero non intendimus sub praemissa pretii restitutione Officiorum hujusmodi, possessoribus libere facienda, comprehendere illum, seu illos, qui ratione gravis aetatis juxta nostrae Datariae stylum, & observantiam ad Officii resignationem admittendi minime essent, cui, vel quibus remaneant salva eorum jura, pariter a praefato Thesaurario de voto Rotae examinanda, & decidenda.

Datum Romae apud Sanctum Petrum Kal. Aprilis 1678. Anno Secundo.

Restitutio soluti pretii nonnullis faciendi non est.

XXXV.

Confirmantur Confraternitates omnes sub titulo Nominis Dei in Ecclesiis Fratrum Ordinis Praedicatorum dumtaxat existentes, etsi de earum Canonica erectione non constet.

Dat. 18. April. 1678. An. 2.

INNOCENTIUS PAPA XI.

Ad futuram rei memoriam.

Huic Confraternitati concessa fuerunt nonnullae Indulgentiae a Pio IV.

CUM dudum fel. rec. Pius Papa IV. Praedecessor noster Confraternitati sub vocabulo Nominis Jesu instituta, & ubique terrarum, & locorum, tunc & pro tempore diffusa utriusque sexus Confratribus in illa, tunc, & pro tem-

pore descriptis ubilibet constitutis, sive sub eisdem Confraternitatis regula prius edita, sive sub alia simili comprehenderentur, certa tunc expressa pietatis opera peragentibus nonnullas indulgentias, & peccatorum remissiones, ac poenitentiarum relaxationes, nec non alias gratias, facultates, & privilegia concesserit: Et tubinde accepto per rec. mem. Pium Papam Quintum Praedecessorem nostrum, quod licet Societas Nominis Dei, sive juramentorum, originem, & ortum habuisset ab Ordine Fratrum Praedicatorum, & quod ab eisdem Ordinis professoribus fuisset instituta, & aucta, necnon interventu Fratrum dicti Ordinis, multa Indulgentiae, aliaque privilegia, & favores dictae Societati ab Apostolica Sede fuissent concessa; tamen multi Clerici, & Parochi in suis Ecclesiis dictam Societatem erigere studebant, itaut aliquando essent plures in eadem Civitate Societates, seu Confraternitates dictae invocationis Nominis Dei, & juramentorum, in diminutionem observantiae, & devotionis, quae ex frequentia convenientium oriri solebat, & non sine aliqua confusione, quae ob praedictam causam in die Circumcisionis Domini, quando festum praedictae Societatis, seu Confraternitatis celebrari debebat, accidere consueverat; Idem Pius Quintus praedecessor noster motu proprio non ad alicujus sibi super hoc oblatae petitionis instantiam, sed ex mera deliberatione, & certa scientia sua, ac de Apostolica potestatis plenitudine, quod in Civitate, Oppidis, & Locis totius orbis Christiani, in quibus essent Ecclesiae Ordinis Praedicatorum, ibi tantum, vel hujusmodi Civitatibus, Oppidis, & Locis, & in dictis Ecclesiis Ordinis Praedicatorum dumtaxat dicta Societas, seu Confraternitas erigi posset, nec deinceps nova Societas, seu Confraternitas hujusmodi institueretur in Civitatibus, Oppidis, aut Locis, in quibus non esset dicti Ordinis domus, aut in finitimis Ecclesiis, absque licentia Prioris Provincialis, seu Conventualis dicti Ordinis, in cuius districtu sita esset Ecclesia, in qua dicta Confraternitas, seu Societas erat, vel foret erigenda; quod si secus factum fuisset Confratres taliter admissi dictae Confraternitatis, seu Societatis Indulgentias non consequerentur, nec favoribus, aut privilegiis gauderent, quae Confratribus legitime scriptis per Sedem praedictam concedebantur perpetuo statuerit, & ordinaverit, ac etiam districtius inhibuerit, sique voluerit, & praeeperit, & alias prout in eorundem Pii Quarti, & Pii V. Praedecessorum literis desuper expeditis uberius dicitur contineri. Ac postmodum pia mem. Gregorius Papa Decimus tertius praedecessor pariter noster praedictas Pii Quarti, & Pii Quinti praedecessorum literas confirmaverit, & approbaverit, aliasque indulgentias Confratribus dictae Confraternitatis elargitus fuerit, prout in diversis ipsius Gregorii praedecessoris literis desuper emanatis etiam dicitur plenius contineri: Sed successive similis rec. Paulus Papa Quintus etiam praedecessor noster, qui certas unicuique Confraternitati Indulgentias, & gratias spirituales, quibus de cetero fruere duxerat praescribendas, revocatis, & annullatis, ac nullius roboris & momenti in posterum fore declaratis omnibus, & singulis indulgentiis, & peccatorum remissionibus, ac poenitentiarum relaxationibus Confraternitati Sanctissimi Nominis Dei, in Ecclesia Sanctae Mariae super Minervam de Urbe dicti Ordinis Fratrum Praedicatorum canonice instituta, & illius Confratribus, & Consonoribus eatenus per quoscumque Romanos Pontifices eius praedecessores concessit, omnibus utriusque sexus Christifidelibus hanc Confraternitatem de cetero ingressuris, ac tam ipsis de tempore describendis, quam jam descriptis in dicta Confraternitate Confratribus, & Consonoribus, qui

Statutum fuit a Pio V. ut in solis Ecclesiis Fratrum Praedicatorum, in aliis vero cum eorum permissione dicta Confraternitas erigi posset.

Litterae Pii IV. & V. confirmatae fuerunt a Greg. XIII. & indulgentiae auctae.

Quibus omnibus revocatis a Paulo V. aliisque ab eodem concessa fuerunt.

certa

certa tunc præscripta pietatis opera peragerent, certas indulgentias, & peccatorum remissiones, ac penitentiarum relaxationes in perpetuum concesserit. Nec non Magistro Generali dicti Ordinis Prædicatorum, & illo absente ejus Vicario in Urbe commoranti, ut Confraternitates extra Urbem prædictam ubique locorum erigere, & instituere, illisque omnes Indulgentias, & gratias spirituales, in ipsius Pauli prædecessoris literis desuper emanatis expressas servata forma tradita in Constitutione similis mem. Clementis Papæ Octavi prædecessoris pariter nostri super Confraternitatum aggregationibus, & institutionibus edita communicare libere, & licite valeat, auctoritate Apostolica facultatem concesserit, & impertitus fuerit; ac insuper ipse Paulus prædecessor, omnibus, & singulis utriusque sexus Christianidelibus in aliqua ex Confraternitatibus in Ecclesiis Fratrum dicti Ordinis Prædicatorum canonicè institutis dumtaxat tunc descriptis, & pro tempore describendis vere penitentibus, & confessis, ac sacra communione refectis, qui processioni secunda Dominica cujuslibet mensis per dictas Confraternitates celebrari solite devote interfuissent, & pro Sanctæ Matris Ecclesiæ exaltatione, hæresum extirpatione, ac Christianorum Principum concordia, pias ad Deum preces effuderint, plenariam omnium peccatorum suorum indulgentiam, & remissionem misericorditer in Domino elargitus fuerit; sed in una ex aliis mensis Dominica, juxta locorum consuetudinem processionem prædictam celebrantibus, illisque interessentibus, plenariam indulgentiam, & remissionem hujusmodi, ut præfertur, in secunda Dominica concessam suffragari voluerit, ipsisque denuo, quatenus opus esset misericorditer in Domino, servata in reliquis prioris concessionis forma concesserit, & alias prout in terminis ipsius Pauli prædecessoris literis die trigesima prima Octobris 1606. ac die vigesima octava Septembris 1612., & die prima Aprilis 1613. respectivè in simili forma Brevis desuper expeditis, quarum tenores præsentibus pro plene, & sufficienter expressis, ac de verbo ad verbum insertis haberi volumus, uberius continetur.

§. 1. Verum sicut pro parte dilecti filii Magistri Generalis dicti Ordinis nobis nuper expositum fuit, multæ in Ecclesiis ejusdem Ordinis Confraternitates sub titulo, seu invocatione Nominis Dei, sive ante, sive per emanatam prædictam Clementis prædecessoris Constitutionem institutæ, seu introductæ reperiantur, quarum quidem Confratres, & Conforores solitas ejusmodi Confraternitatum functiones, multaque pietatis, & Christianæ charitatis opera exercere consueverunt, sed de illarum canonica ab initio erectione, & institutione non constat, & licet in Capitulo Generali Ordinis prædicti, quod anno 1600. Neapoli celebratum fuit, declaratum fuerit, quod in omnibus Ecclesiis ejusdem Ordinis, in quibus Fratres ipsius Ordinis officia, vel missas ordinarie celebrabant, erectæ intelligerentur, & institutæ Societates Sanctissimi Nominis Dei, non tamen appareat tunc temporis eidem Capitulo, vel antea Superioribus, vel Fratribus dicti Ordinis ejusmodi Confraternitates erigendi facultatem a Sede Apostolica concessam fuisse: nec dictæ Confraternitates ante editam Clementis prædecessoris Constitutionem prædictam institutæ, seu introductæ novas erectiones, & institutiones intra tempus ab eadem Constitutione præscriptum, & juxta illius formam obtinuerint; Quinimmo ut in illis quidem quæ post emanatam Constitutionem hujusmodi erectæ, & institutæ forsitan fuerunt, ejusdem Constitutionis formam in earum erectionibus,

& institutionibus, prout memoratus Paulus prædecessor ordinaverat, servatam fuisse appareat: Nobis propterea dictus Minister Generalis humiliter supplicari fecit, ut in præmissis opportune providere, & ut infra indulgere de benignitate Apostolica dignaremur.

§. 2. Nos igitur ipsum Magistrum Generalem specialibus favoribus, & gratis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis si quibus quomodolibet innodatus existit ad effectum præsentium dumtaxat consequen. harum serie absolventes, & absolutum fore censentes, hujusmodi supplicationibus inclinati; omnes, & singulas Confraternitates sub titulo, seu invocatione Nominis Dei in Ecclesiis Fratrum dicti Ordinis dumtaxat ubicumque locorum de præsentibus existentibus, tamen de earum canonica ab initio erectione, & institutione minime appareat, nec ipsæ Confraternitates novas erectiones, & institutiones juxta formam prædictæ Constitutionis Clementis prædecessoris obtinuisse reperiantur, auctoritate Apostolica tenore præsentium confirmamus, & validamus, easque in statu valido esse, & fore decernimus, & declinamus, in omnibus, & per omnia, perinde ac si illas omnes, & singulas ab ipso initio canonice erectas & institutas fuisse, novasque erectiones, & institutiones suo tempore, juxta formam memoratæ Constitutionis Clementis prædecessoris obtinuisse constaret, & quatenus opus sit, illas omnes, & singulas, servata tamen ceteroqui prædictarum Pauli prædecessoris literarum, ac constitutionum, seu decretorum hujus Sanctæ Sedis præsertim circa distantiam locorum in erectione Confraternitatum similis instituti servandam emanatorum forma, & dispositione, de novo erigimus, & instituimus. Ac ipsarum Confraternitatum sic a nobis confirmatarum, & validatarum, & de novo respective erectarum Confratribus, & Confororibus, ut omnibus, & singulis indulgentiis, & peccatorum remissionibus, ac penitentiarum relaxationibus a prædicto Paulo prædecessore per ternas suas literas prædictas concessis, non autem ullis aliis, servata tamen pariter earundem Pauli prædecessoris literarum forma, & dispositione, uti, frui, & gaudere libere, & licite possint, & valeant, auctoritate, & tenore præsentium concedimus, & indulgemus. Porro eidem Magistro Generali harum serie injungimus, ut tam præsentium, quam ternarum Pauli prædecessoris literarum prædictarum transumpta, seu exempla authentica ad singulas domos regulares dicti Ordinis in quarum Ecclesiis Confraternitates hujusmodi existunt, quantocius fieri poterit transmitti illaque Confratribus, & Confororibus ipsarum Confraternitatum notificari curet, ad hoc ut unusquisque illorum sciat, quibus indulgentiis, & gratiis spiritualibus ex hujus Sanctæ Sedis benignitate frui de cetero valeat. Ceterum in erectione, & institutione similium Confraternitatum, nec non indulgentiarum, & gratiarum communicatione illis per Magistrum Generalem Ordinis prædicti, & illo absente per ejus Vicarium in Urbe prædicta commorantem de cetero, juxta facultatem a prædicto Paulo prædecessore, sicut præmittitur concessam faciendis, formam in prædictam Clementis prædecessoris Constitutione præscriptam adamussim servari volumus, alioquin erectiones, & institutiones, ac indulgentiarum, & gratiarum spiritualium communicationes hujusmodi nullius omnino sint roboris, & momenti.

§. 3. Decernentes easdem præsentibus literas semper firmas, validas, & efficaces existere, & fore, suosque plenarios, & integros effectus for-

Preces Magistri Generalis.

Prædictæ omnes Confraternitates in Ecclesiis Prædicat. erectæ confirmantur; dummodo servatæ fuerint literæ Pauli V. & decreta S. Sedis.

Mandatur, ut in novis erectionibus.

Clausula.

De canonica ab initio erectione nonnullarum Confraternitatum sub invocatione Nominis Dei non constat.



tiri, & obtinere, ac illis ad quos spectat, & pro tempore quodcumque spectabit in omnibus, & per omnia plenissime suffragari, & ab eis respective inviolabiliter observari: sicque in præmissis per quoscumque Judices ordinarios, & delegatos, etiam causarum Palatii Apostolici Auditores judicari, & definiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus præmissis, ac quatenus opus sit nostra, & Cancellariæ Apostolicæ Regula de non concedendis indulgentiis ad instar, nec non prædicta Clementis prædecessoris, aliisque Constitutionibus, & Ordinationibus Apostolicis, ac quibusvis etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, & ad verbum insertis habentes illis alias in suo robore permanentibus ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 5. Volumus autem, ut earundem præsentium literarum transumptis, seu exemplis etiam impressis manu alicujus Notarii publici subscriptis, & sigillo Personæ in Ecclesiastica dignitate constitutæ munitis, eadem prorsus fides tam in judicio, quam extra illud ubique locorum habeatur, quæ haberetur ipsi præsentibus si forent exhibitæ, vel offensa.

Datum Romæ apud S. Petrum sub Annulo Piscatoris die XVIII. April. MDCLXXVIII. Pontificatus nostri Anno Secundo.

XXXVI. Confirmatur Decretum Card. Protectoris, quo statutum fuit, ut Commissarius Terræ Sanctæ Ord. Minorum S. Francisci Neapoli degens, si fuerit de Observantia in Conventu S. Mariæ Novæ; minime vero, in Altero SS. Trinitatis Reformatorum commoretur.

Dat. 25. Maji
1678. An. 2.

INNOCENTIUS PAPA XI.

Ad futuram rei memoriam.

Species facti.

Nuper pro parte dilecti filii Ministri Provincialis Provinciæ Terræ Laboris fratrum Minorum Sancti Francisci de Observantia Reformatorum nuncupatorum Nobis exposito, quod cum dilectus etiam filius modernus Commissarius Terræ Sanctæ, qui est frater de Observantia dicti Ordinis in Conventu Sanctissimæ Trinitatis Civitatis Neapolitan. fratrum de Observantia dicti Ordinis, habitaret, ejusmodi autem fratrum de Observantia commoratio in Conventibus Fratrum Reformatorum maximis incommodis causam præberet, cum gravissimo regularis disciplinæ, ac instituti reformationis detrimento; ipse Minister Provincialis plurimum cupiebat a Nobis ordinari, ut præfatus Commissarius, una cum omnibus aliis Fratribus de Observantia, quos tanquam socios suos secum in supradicto Conventu Fratrum Reformatorum habet, inde migraret ad aliquem ex tribus Conventibus Fratrum de Observantia dictæ Civitatis Neapolitan., in quo futuri Commissarii, si essent Fratres de Observantia pariter habitare deberent, quando vero essent ex Fratribus Reformatis, vel Discalceatis Provinciæ S. Petri de Alcantara, in supradicto Conventu Fratrum Reformatorum commorarentur. Nos instantiam Nobis a dicto Ministro Provinciali super præmissis factam remisimus ad venerabilem fratrem

nostrum Franciscum Episcopum Oltien. S. R. E. Cardinalem Barberinum nuncupatum Ordinis præfati apud Nos, & Sedem Apostolicam Protectorem, qui desuper opportune provideret; unde idem Franciscus Episcopus Cardinalis, & Protector Decretum edidit, tenoris, qui sequitur, videlicet -- *Attentis exp. sitis, auctoritate Nobis a SSmo D. N. attributa, illique inhaerendo &c. Commissarium Terræ Sanctæ in Civitate Neapolis degentem, si fuerit de Observantia, assignamus de familia in Conventu S. Mariæ Novæ Fratrum similiter de Observantia; si autem fuerit ex Reformatione, vel ex Fratribus Discalceatis Hispaniæ, in Conventu Sanctissimæ Trinitatis Reformatorum ejusdem Civitatis Neapolis Provinciæ Terræ Laboris; præcipientes per Sacram Obedientiam, & sub privatione actuum legitimorum, nec non sub aliis pœnis Nobis arbitrariis F. Joanni Andrea de Lacumarvino ad præsens Commissario Terræ Sanctæ in Regno Neapolitano, quatenus una cum suis Sociis, aliisque Fratribus Ordinis de Observantia in prædicto Conventu Sanctissimæ Trinitatis Ordinis Reformatorum degen., ut continuo de eodem Conventu discedant, & ad supradictum Conventum Sanctæ Mariæ Novæ Ordinis Minorum Observantia ejusdem Civitatis se transferant, ibique in posterum commorentur. In quorum &c. Datum Romæ in Palatio Cancellariæ Apostolicæ hac die 10. Maji 1678. -- F. Cardinalis Barberinus Protector. -- I. B. Archiepiscopus Januen. Secretarius.*

§. 1. Cum autem sicut Minister Provincialis prædictus Nobis subinde denuo exponi fecit, ipse Decretum hujusmodi, quo firmius subsistat & servetur exactius Apostolica confirmationis nostræ patrocinio communiti summopere desideret: Nos ipsum Ministrum Provinciale specialibus favoribus, & gratiis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine nobis super hoc humiliter porrectis inclinati, Decretum præinsertum a memorato Francisco Episcopo Cardinale, & Protectore editum, ut præfertur, omniaque, & singula in eo contenta auctoritate Apostolica tenore præsentium confirmamus, & approbamus, illisque inviolabilis Apostolicæ firmitatis robur adjicimus, & omnes, & singulos juris, & facti defectus, si qui desuper quomodolibet intervenerint, supplemus.

§. 2. Decernentes easdem præsentem literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis, ad quos spectat, & pro tempore spectabit inviolabiliter observari: sicque in præmissis per quoscumque Judices ordinarios, & delegatos, etiam causarum Palatii Apostolici Auditores judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus præmissis, ac Constitutionibus, & Ordinationibus Apostolicis, necnon quatenus opus sit dicti Ordinis, aliisque quibusvis etiam Juramento, confirmatione Apostolica, seu quavis firmitate alia roboratis, statutis, & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores pro plene, & sufficienter expressis, & ad verbum insertis habentes, illis alias in suo robore permanentibus ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Decretum
Card. Prote-
ctoris aucto-
ritate à
SSmo recep-
ta editum.

Preces Mi-
nistri Pro-
vincialis Or-
dinis S. Fran-
cisci Refor-
mat.

Confirmatur
prædictum
Decretum.

Clausula.

Datum